

Չատագովության համառոտագիր Հանրակրթություն և ՀԸԳՀ

Վերջին 3–4 տարիների ընթացքում գնահատվել են Հայաստանի հանրակրթության ոլորտում իրականացված բարեփոխումները՝ ըստ **Կրթության զարգացման պետական ծրագրի (ԿԶՊԾ)** և ՀՀ-ԵՄ Համապարփակ և ընդլայնված գործընկերության համաձայնագրով (ՀԸԳՀ) ստանձնած պարտավորությունների՝ հաշվի առնելով ինչպես բարեփոխումների օրակարգը, այնպես էլ դրանց իրականացման արդյունավետությունը: Ուսումնասիրության նպատակն էր որակական և քանակական մեթոդներով գնահատել կրթության **որակի և հասանելիության ու մատչելիության** բարձրացման նպատակով իրականացված միջոցառումների համապատասխանությունն ու արդյունավետությունը:

Հետազոտության արդյունքները հստակ ցույց են տալիս, որ Հայաստանի կրթական համակարգում բացակայում են պատշաճ **հաշվետվողականության և որակի ապահովման** մեխանիզմները, հատկապես՝ այնպիսիք, որոնք երաշխավորում են սովորողի անհատական ուսումնական առաջընթացը և կանխում **ակադեմիական առաջադիմության իրականությանը անհամապատասխան արձանագրումը**:

Հիմնվելով այս վերլուծության վրա՝ մենք ներկայացնում ենք հետևյալ հիմնական առաջարկությունները Հայաստանի կառավարությանը, Եվրոպական միությանը և ավելի լայն կրթական հանրությանը:

Առաջարկություններ

- Լրացնել ՀԸԳՀ-ի ճանապարհային քարտեզը՝** ներառելով հստակ պարտավորություններ՝ ինստիտուցիոնալացնելու բարձրացված բարեփոխության մեխանիզմները, և համապատասխանաբար վերանայել ԿԶՊԾ նպատակները: Այս միջոցառումները պետք է ներառեն՝
- Դասարանի ուսուցիչների կողմից լրացուցիչ դասապատրաստման** կամ սովորողին մասնավոր պարապմունքների ուղղորդելը որակելի որպես բարեփոխության լուրջ խախտում և սահմանել կատարման ենթակա վարչական միջոցներ: Դիտարկել օրենքով արգելքների սահմանումը, որոնք կիրառվել են Վրաստանում, Հարավային Կորեայում և այլ երկրներում:
- Ակադեմիական առաջադիմության անհիմն արձանագրումը** որակելի որպես բարեփոխության լուրջ խախտում՝ կիրառելով գործող վարչական միջոցները, հատկապես այն դեպքերում, երբ այն կոծկում է սովորողի ցածր առաջադիմությունը: Սահմանել հստակ և կատարման ենթակա վարչական պատասխանատվության մեխանիզմներ:
- Տեսչական մարմնին օժտել** բարեփոխության խախտումները բացահայտելու լիազորությամբ, ինչպիսիք են կանխամտածված ոչ լիարժեք դասավանդումը և **իրականությանը անհամապատասխան** ակադեմիական առաջադիմության անհիմն արձանագրումը::
- Վերանայել և բարելավել** երկարօրյա ուսուցման ծրագրերը ցածր առաջադիմություն ունեցող աշակերտների համար՝ ապահովելով հաշվետվողականություն բոլոր փուլերում՝ սովորողների ընդունելություն, առաջադիմության գնահատում և



արդյունքների վերլուծություն: Ծրագիրն ընդլայնել և հնարավորինս արագ հասցեագրելու լայն տարածում ունեցող կարիքները: Ընդլայնել լուծումները՝ ներգրավելով արտաքին մասնագետների, ներդնելով ամառային դպրոցներ, կիրառելով այլ երկրների լավագույն փորձը:

6. Բարեփոխել Գնահատման և թեստավորման կենտրոնի (ԳԹԿ) գնահատման մեխանիզմները՝ ներդնելով ավելի մասնագիտական, բազմաշերտ և բազմաբնույթ գնահատման ձևաչափեր: Ապահովել սովորողների ուսումնառությանն իրական ժամանակում հետևելու հնարավորությունը՝ փաստահեն քաղաքականության որոշումներ և նպատակային միջամտություններ իրականացնելու համար

Վերոնշյալ առաջարկությունների հիմքում ընկած է այն տրամաբանությունը, որ Հայաստանի կրթական համակարգը պետք է հրաժարվի անցյալից ժառանգված արմատացած գործելակերպից, ըստ որի կրթությունը դիտարկվում էր որպես իշխող վարչակազմի քաղաքական և ֆինանսական նպատակներին ծառայող համակարգ՝ գուրկ լինելով կրթական առաքելությունից և որակի ու հավասար հասանելիության ապահովման հնարավորություններից:

Հեղինակ՝ Լարիսա Մինասյան, գիտությունների դոկտոր | larissa.minasian@gmail.com

Սույն հրապարակումը պատրաստվել է Եվրոպական միության ֆինանսական աջակցությամբ: Դրա բովանդակության համար պատասխանատվություն է կրում միայն հեղինակը՝ Լարիսա Մինասյանը, և պարտադիր չէ, որ այն արտահայտի Եվրոպական միության տեսակետները: